

docserver 文川网
入駐商
在文川网搜到古籍书城 获取更多电子书

中國方志叢書·華中地方·第一三三號

據

清乾隆十五年修清光緒二十六年重刊本
曹襲先纂修

影印


江蘇省

旬容縣志

(一)

成文出版社有限公司印行

1119675



R 128
18.11.133(12)

中國方志叢書·華中地方·第一三三號


據

清乾隆十五年修
曹襲先纂修
光緒二十六年重刊本

影印

江蘇省

句容縣志



成文出版社有限公司印行

sk96/11



10096438

R 48
489 13227

中國方志叢書·華中地方·第一三三號


據

清·曹襲先纂修
乾隆十五年修清光緒二十六年重刊本

影印

江蘇省

旬容縣志



成文出版社有限公司印行

3k96/11



10096437

docsriver 文川网
入驻商家 古籍书城

在文川网搜索古籍书城 获取更多电子书

中國方志叢書·華中地方·第一三三號


據

清·曹襲先纂修
清乾隆十五年修清光緒二十六年重刊本

影印

江蘇省

句容縣志



成文出版社有限公司印行

sk96/11



10096436

中華民國六十三年六月壹一版

句容縣志

全四冊

發行人：黃 成 助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

乾
陸
高
陶
蔡

志
十
美
思

是
內閣中書前沛縣教諭拔貢生楊世沅集

光緒庚子年冬
十月泉
唐咨曾
任署

寧州乾隆何容縣志序

吾邑專志自明宏治始至

國朝乾隆年而大備卷十有二目九十有一詳哉著矣咸豐間
粵匪寇省垣邑當左衝被賊氛尤烈官府圖籍蕩然以盡迄光
緒辛巳新甯劉公督兩江徵求文獻金陵於是郡志之役檄
所屬各以志上而吾邑俄空焉不得已強以民間所獲乾隆志
不完本及順治志雜應蕪事嗚呼天地間號物之數有萬金
毀若相燼全而存之與毀焉而務復之用力不同而程效亦異
漢之破秦也蕭何獨先入收天下阨塞戶口多少疆弱民所
苦之者在丞相御史者斯時項王未屠燒咸陽也及楚炬一作
而周秦以來寶書鴻典零落燬滅不可僕指厥後文除挾書之
律武開獻納之路山巖屋壁使者旁午一時老師宿儒樂人女

子爭以口耳所職志哀衰所握守者輸入祕府而所獲猶百不
什一焉循是以思先後難易之故不章章與沉家故有乾隆志
與作書壹燬於兵火先大夫每語沉及此未嘗不盡然傷之嘗
命沉以蒐訪力復故物沉謹志弗敢忘戊戌冬聞浙江文瀾閣
有舊藏本亟介吾友傅君蒼生交丁君脩甫展轉段錄全帙而
先大夫已於甲午冬棄養不獲一睹以慰紆鬱悲哉沉於學臺
未無所聞見徒以先志所存懼放隊獲戾謹就寫本辜較大略
付之剞劂經始於去年七月告成於今年三月會桐城張明府
蒞治吾邑議重刊乾隆志續纂新志沉感明府惠被吾邑且幸
先大夫之德為不孤也因以全槧一歸於公俾治國聞者得先
河焉沉又以舊志於金石脫略掇拾自秦以來碑記數百種仿
嚴氏書例為句容金石記先以碑目附入新志或亦典獻之一

助云光緒二十有六年歲在庚子邑人楊世沅序

句容縣志目錄

卷首

序 原序 原纂修姓氏 凡例 圖紀

卷第一

御製詩

輿地志

沿革 星野 疆域 形勝 風俗 鄉里 市鎮

街坊 路巷 牌坊 附 物產

卷第二

建置志

城池 倉庫 壇壝 公署 舖舍 營汛 驛站

卷第三

山川志

山峯 巖 岡 谷 洞 石 湖 河 溪

潭 泉 井 池 橋 岡 渡 溝 瀆 堰 塘

圩岸 附

卷第四

古蹟志

名勝 塚墓 祠廟 寺觀 宮院 殿壇 庵堂

卷第五

民賦志

戶口 田賦 三田附 草場 課鈔 均徭 貢輸

卷第六

學校志

學員 書院 祀典 祭器 樂器

卷第七

秩官志

官制 秩官表 名宦傳

卷第八

選舉志

正科表 薦辟 封廕 應例 別進

卷第九

人物志上

鄉賢 忠節 政治 孝義 儒林 文學 武助

人物志下

貞節 義行 隱逸 耆年 流寓 方技 仙釋

卷第十

藝文志上

碑文

藝文志下

各體詩文

卷末

雜志

軼事 遺書 群異

重修句容縣志序

句容稱縣治縣之志修於前令葛君前
乎此遠莫可稽也後乎此抑有志而未
逮恭值兩江

制府黃公以儒雅飭吏治檄所屬修葺志
乘我句容重修如檄事竣縣令敬執筆
而序曰於惟我

聖祖仁皇帝久道化成

docsriver 文川网
入驻商家 古籍书城

在文川网搜索古籍书城 获取更多电子书

厚澤浹於里閭句容下邑山川草木承
德之光聞

之音者久矣我

皇上大德得

先其

武禮重

雨巡

書渙汗將於句容

駐蹕焉天下大矣爲郡縣者眾矣句容以山
水名區密邇江介顧得仰沐

國恩

翠華臨幸雖童孺婦女咸以生

聖人之世近

天子之光足誇耀於他郡縣也可不謂榮幸
也乎假使令博通今古能爲文章如虞
書禹貢所紀差足爲句容重令固爲淺

見寡聞者殊自愧也志之體例從同從
異不忍或背於舊令然惟公惟慎眾口
無辭下吏之拙誠執事必敬可以仰自
於

制府即可對我士夫耆庶以備

盛朝圖籍云爾

文林郎知句容縣事新建曹襲先謹序

句容縣志卷首

萬厯句容志序

高皇帝定鼎南畿列爲郡十有四而都輔訖時應天爲重應天之邑入而擁王氣於上游句容最重句容之邑起自漢其後所屬州郡凡屢易而明興改建康爲今名句遂稱嚴邑某嘗莊誦天潢玉牒首述皇祖先世江東句容又嘗伏讀成祖御製孝陵碑載皇考句容大族及覽其形勝華陽地肺山水周環而流虹孕瑞發祥萬葉山若培而高川若浚而深原隰若闢而廣令追溯王業者以埒於周家沮漆之咏其重不亦彰彰較著哉當弘治之丙辰年而長興王公來令志之至嘉靖之庚子年而廬陵周公者又增輯之大較草昧創定裨謀之與世叔而已去今百餘禩而山川之所葱鬱人文之所濬發一切解署坊館之所新

而滄桑羸羯之所變月改盼而歲煜其華儻因仍前志罔所潤
飾將芳踪奇躅愾寤於崗嵐嶂煙而不可跡甚非周官圖臈方
與經野體國意也先是嘉禾禮原丁公令句讀二志歎曰某志
而前者核矣第懼其有遺珠也某志而後者曰新矣第懼其佚
而無所采也嚴加芟訂爲卷十自地理以及祥異爲目十有二
閱歲餘而帙成將屬刷氏適內轉未竟而數歲後桂幸承乏會
禮原公擢今南廷尉不鄙枌榆時賜之指南曰若知良吏之治
乎不達與廢之因曷酌損益不攷媿敗之蹟曷表懲勸必原本
始以論事根情實以揆物而後遐暖洞矚莫能傲之以所未諳
譬則涸海求珍卽觸鯨波探驪宮而神不悖其嚮導真也吾試
涸海之故塗於句而志役中奪其敬以屬子某得受而卒業焉
華不蔓核不俚簡不漏因以窺公學識其大壁畫有源閱覽證

自無取譏於具敖籌盤錯自非揣籌而捫燭其長材異蹟句之
闕闕尸祝此亦見其一斑矣桂嘗紀公德政謂毀家紓難不異
楚之子文而其舉舊政爲新之告也桂竊藉手以彌縫闕軼更
無微惠大焉敢因役竣而僭序之首簡萬厯癸卯歲知句容縣
事茅一桂序

順治句容志序

句容萬厯志始於丁司空賓成於茅萬州一桂二公皆久吏茲
土者見聞有徵頗稱詳洽距今六十年而舊板蕪滅事跡政役
戶口登耗多所增更余奉

命江南卽首屬意志事邑令上虞葛君迺倡修之令諸生胡岳
等分門彙集未期而繕寫成其書一循故法復參以郭美命江
夏志例如地里考之城池改入古蹟外紀考之仙釋不攜寺觀

以坊街繫鄉都以版籍後祥異退典禮於選舉之下升官制於選舉之上固異而不害其爲同者至若兵制一考則昔所絕無而今所特創官師年表雖皆始晉劉超而益以齊周洽以下五十餘人則又蒐證精博足補舊所未備近代文傳汰濫存真約失蓋鮮他皆如故以示慎疑可謂損益適中去取不苟者乎自余下檄頗多應者賁本以來蓋不暇序而句曲諸勝近在休沐亦迫於較衡未免名山笑人之歎前後二志中披覽圖記往往得之矣序時葛君會以事罷去然後之稽斯志以論其世以攷其人亦庶乎嘉善歸安之績也是宜與前志並行不沒云順治丙申臨川李來泰序

郡邑之有誌所以傳也代有更易而山川不易時有興替而人物不替以資稽考以藉鑒觀於是乎在蓋宙界者吉人貞士之

所扶而吉人貞士又鍾山川之靈氣以發以故良蹟懿矩一日不在人耳目則興起者微而前言往行一或不留之簡編則良蹟懿矩亦因之或泯言傳者時文傳者世郡邑之貴乘職以是矣句邑在前代爲興王始基邇聲漸教民德獨淳美躅馨規篇不勝紀然取裁失當未免繁蕪前知縣事丁公重加釐緝著爲善本留藏縣笥後歸安茅君用以卒事始垂成書功綦密矣然時訖萬曆癸卯年自癸卯以後闕焉無聞更數十載其間偉節奇行闡德幽芳豈遂無有歲渺蹟湮聲傳歇絕寔以不著夫司茲土而坐令此方之良蹟懿矩散滅無聞亦有司者之過也况今上勵神出治斟酌損益取前代流極而更定之於以作新耳目旣百度咸正矣而採風問俗大吏之至斯者猶執嚮書以進於體失宜於觀未雅衷不敏所以記於簿籍旁午揮汗塵裊

時思所以緒述先典發揚今模就薦紳先生而諮之進賢序老
成而訂之期於彰數十載之良蹟懿矩以興起斯民爲奉
命而至者一新

與朝之耳目也至網羅或漏纖悉失詳則今之時爲之與茲地
之滄而樂隱其名者爲之以爲猶愈於聽其湮沒而不載也宸
不敏何敢辭固陋矣順治丙申知句容縣事古虞萬翔宸撰
督學徵修郡邑志於屬內句容則前任葛公首承其事云嗣子
至適有成稿而邑中間有爲言者予懼焉旣置其稿於邑庠俟
師生國人之論定復參驗於舊志之得失乃謄繕付梓受事者
胡生岳等亟以序爲問予不獲辭若古志其亡已久按舊志之
可攷者在弘治之丙辰經始於前令王公僖而杜公槃實繼之
至嘉靖之庚子周公仕乃加刪削其後丁公賓稍稍損益方繕

本存竒而著公一柱實成之時在萬曆癸卯也凡數經作手三
加損益以迄於今予及見之督學序自萬曆志示定本也其折
衷於進退異同之故詳哉其言無以易之矣而葛公則有見新
典之當興若人事加詳見聞易阻鯁鯁然有佚遺之憂者復一
唱三歎焉亦大義之所在也予雖不獲辭亦何能一辭贊乎夫
志豈非志其盛以致諸不朽者哉其盛也固適然之事卽其不
朽亦必有自立於不朽者而後可今特不朽於其盛若修之者
之意一則曰闕略之當補一則曰繁蕪之當汰句容斷自癸卯
而後迄今約六十年間其闕略安在誠不易一二比數若繁蕪
爲累今之視昔猶夫後之視今又烏在其不易者乎作者聚數
十年之精力於典章文物之中上軸

國史下討家乘而又旁達觸類凡耳目之所及與所未及心思

之所到與所不到無一而不見爲志者而乃取古人之良法以起今日之凡例辨理析微斟酌至當而其性之所發識之所立文筆又足以副之約而能盡簡而有辨遠引曲證而皆不悖於其說一旦應當事之求而領刪修之任其所考核如山岳之互於地遠邇指掌也其所表章如日月之經於天晦明不變也其所發明義類如炬之秉於闇而不可隱錐之畫於沙而不可紊也豈不盛哉豈不盛哉况乎人情難厭在昔已然作者之難史志相通司馬子長以一代良材而是非頗謬若陳壽爲乃公作佳傳之疑斯無論已予旣取其八圖而披覽之而又反覆於十二考之大綱小目所爲言有根柢義有辨證取裁於古昔而足爲後來之考鏡者受事者之勤誠不可沒也若以揚典章之盛而應採風者之過問則有司之事也予嘗深究於遺經之旨不

量譎陋每欲著述一書希附作者而一行作吏簿書見奪文學
政事之間尙不知其所歸也何幸而茲邑之志乃適觀厥成哉
則督學之盛心與葛公之著績又不可以不述云順治丙申知
句容縣事文登叢大爲序

句容爲石城左臂氣之所鍾蜿蜒扶輿磅礴而鬱積往往爲元
聖之所游化靈仙之所窟宅余已卯謁金楚畹老師始得遊覽
其勝而人物風俗之美與沿革事蹟之詳未能覩其大凡竊致
憾焉客秋以廣文就任茲土未匝月會督學李文宗下修志之
檄屬邑宰葛侯倡率其事爾時閩邑薦紳先生儼然辱命曰句
邑志自丁司空茅萬州兩先生成書後迄今六十餘年未加釐
緝茲幸有是舉使先典重光著述不朽兩師之責也余謝不敏
不敢聞命於是諸先生又儼然辱命曰兩師其擇諸庠彥中積

docsriver 文川网
入驻商家 古籍书城

在文川网搜索古籍书城 获取更多电子书

學老成者一二人以光茲盛典可乎余又謝不敏矧司鐸未久未稔知其人不敢闖命旣而固請之不已遂與同寅參擬得胡江二生以報二生旣受事卽出其緒論以商曰舊志每條數十言止以帖括伎倆敷陳腐套於修訂奚補哉子曰唯唯太史公作傳亦不必人人備著顛末嚴安徐樂一書足矣蔡澤傳亦然今日芟繁滌冗汰僞存真是在吾子二生爰是兵披異聞網羅往史而又未敢疎略輕信謬執已見傷大道之公業垂成值斯邑宰叢侯甫下車卽留心志事又屬余輩同諸紳核實而詳定之務使言人人殊各得其解苟其可以相折衷處皆爲疑而緝貫焉一發簡而瞭然若指掌又林然若列瓊寶於肆而采之也余不才曷敢颺言簡端第幸披圖而覽全邑之勝獲酬曩志兼喜邑乘之有成也是烏可以無言謹序順治丁酉學博關

世隆撰序

志固彰往厲來之書也句容舊志班班乎爾曷爲修且增之也曷爲增之曰烏兔運於上龍蛇變於下蔚起者積矣前有美登諸彝鼎後有美委諸草莽匡俗無表是使前之人燃幽炬而後之人行漆路也然則增之謂何曰君子大之曷大乎爾曰大其洞乎時也曷洞乎時云爾曰時之爲用廣矣凡如二氣舒張慘翁以彪炳化事四序開榮剝落以的鑠歲功百蕪早作夜息爪生髮長以慨奇物彩使其皆依坦而效能履順而結撰猶數見者耳唯有狃安恬寵之已甚而時爲流極流極之會爵祿富貴薰人心思聲色財求錮人神智君子謂生其際者如剽斯倒而茅斯靡也求其足登紀載者宜百鮮一焉又開疆禁版之初定而時爲草昧草昧之候兵戈羽檄搖人魂魄徭役饑荒恤人營